



四庫全書

薈要

【子部】

吉林人民出版社

乾隆
御覽本

四庫全書薈要

子部
第一冊

欽定四庫全書薈要

子部
家語卷二

御製題宋版家語

天祿青藜信也夫何於家語却相違孫傳孫辨名因正
明影宋刊世已稀多漏鮮全斯乃萃鉤元提要志焉希
敬對君為政一語興邦凜敷幾



欽定四庫全書

家語
御製詩

臣
王杰詳校
詳校官員外郎
潘紹觀

家語目錄

卷一

相魯

始誅

王言解

大婚解

儒行解

問禮

五儀解

卷二

致思

三恕

好生

卷三

觀周

弟子行

賢君

辯政

卷四

六本

辯物

哀公問政

欽定四庫全書

家語
目錄

卷五

顏回

子路初見

在厄

八官

困誓

五帝德

卷六

五帝

執轡

本命解

論禮

卷七

觀鄉射

郊問

五刑解

刑政

禮運

卷八

冠頌

廟制

辯樂解

問玉

屈節解

卷九

欽定四庫全書

家語
目錄

七十二弟子解

本姓解

終記解

正論解

卷十

曲禮子貢問

子夏問

公西赤問

臣等謹案家語十卷漢王肅注肅自序云鄭

氏學行五十載矣義理不安違錯者多是以

奪而易之孔子二十二世孫有孔猛者家有

其先人之書昔相從學頃還家方取以來與

予所論有若重規疊矩考漢書藝文志有孔

子家語二十七卷顏師古注云非今所有家

語禮樂記稱舜彈五弦之琴以歌南風鄭注

其詞未聞王肅聖證論引家語阜財解溫之

詩以難康成孔穎達疏亦云家語不足據故

王柏家語考曰四十四篇之家語乃王肅自

取左傳國語荀孟二戴記割裂織成之孔衍

欽定四庫全書

家語

三

之序亦王肅自為也獨史繩祖學齋佔俾曰

大戴一書雖列之十四經然其書大抵襍取

家語之書分析而為篇目其公冠篇戴成王

冠祝辭內有先帝及陛下字周初豈曾有此

家語止稱王字當以家語為正今攷陛下離

顯先帝之光曜已下篇內已明云孝昭冠辭

繩祖誤連為祝雍之言殊未之考蓋王肅襲

取公冠篇為冠頌已誤合孝昭冠辭于成王

冠辭故刪去先帝陛下字竄改王字家語襲

大戴非大戴襲家語就此一條亦其明證其

割裂他書亦往往類此反覆考證其出于王

肅無疑特其流傳既久且遺文軼事往往多

見于其中故自唐以來知其偽而不能廢也

其書自明以來傳本頗稀故何孟春註自云

未見王肅本王鏊震澤長語亦稱家語今本

為近世妄庸所刪削惟有王肅注者今本所

欽定四庫全書

家語

四

無多具焉則亦僅見之也周亮工書影曰閩
徐興公家有王肅注家語中缺二十餘頁毛
子晉家亦有宋刻王肅注者與興公藏本稍
異憾不能合毛徐二本對校刊行今徐本不
知存佚此即毛晉所藏宋本校之坊刻猶為
近古者矣乾隆四十三年二月恭校上

總纂官臣紀昀臣陸錫熊臣孫士毅

總校官臣陸費瑔

家語原序

鄭氏學行五十載矣自肅成童始志于學而學鄭氏學
矣然尋文責實考其上下義理不安違錯者多是以奪
而易之然世未明其款情而謂其苟駁前師以見異于
人乃慨然而歎曰豈好難哉予不得已也聖人之門方
壅不通孔氏之路枳棘充焉豈得不開而辟之哉若無
由之者亦非予之罪也是以撰經禮申明其義及朝論
制度皆據所見而言孔子二十二世孫有孔猛者家有
其先人之書昔相從學頃還家方取已來與予所論有
若重規疊矩昔仲尼曰文王既歿文不在茲乎天之將
喪斯文也後死者不得與於斯文也天之未喪斯文也匡
人其如予何言天喪斯文故今已傳斯文於天下今或
者天未欲亂斯文故令從予學而予從猛得斯論以明
相與孔氏之無違也斯皆聖人實事之論而恐其將絕
故特為解以貽好事之君子語云牢曰子云吾不試故
藝談者不知為誰多妄為之說孔子家語有琴張一名

宰字子開亦字張衡人也宗魯死將往弔孔子止馬春秋外傳曰昔堯臨民以五說者曰堯五載一巡狩五載一巡狩不得稱臨民以五經曰五載一巡狩此乃說舜之文非說堯孔子說論五帝各道其異事於舜云巡狩天下五載一始則堯之巡狩年數未明周十二歲一巡寧可言周臨民以十二乎孔子曰堯以土德王天下而色尚黃黃土德五土之數故曰臨民以五此其義也王肅序

家語卷一

漢 王肅 注

相魯第一

孔子初仕為中都宰

中都魯邑

制為養生送死之節長幼異

食如禮年十強弱異任

任謂力作之事各從所任不用弱也

男女別塗路

無拾遺器不彫偽

彫畫無文飾不詐偽

為四寸之棺五寸之槨

為因丘陵為墳不封

不聚土以起墳者也

不樹不樹松栢行之一年而

西方之諸侯則焉

魯國在東故西方諸侯皆法則焉

定公謂孔子曰學子

此法以治魯國何如孔子對曰雖天下可乎何但魯國

而已哉於是二年定公以為司空乃別五土之性

五土之性

一曰山林二曰川澤三曰原隰而物各得其所生之宜

物各得其所生之宜

其咸得厥所先時季氏葬昭公于墓道之南

季平子違昭公死子

乾侯平子別而葬之

孔子溝而合諸墓焉謂季桓子曰

貶君以彰已罪非禮也

桓子平子之子今合之所以掩夫子之

不臣由司空為大司寇設法而不用無奸民定公與齊

侯會于夾谷孔子攝相事曰臣聞有又事者必有武備

有武事者必有文備古者諸侯出疆必具官以從請具

左右司馬定公從之至會所為壇位土階三等以遇禮

相見會遇之禮禮之簡畧者也揖讓而登獻酢既畢齊使萊人以兵

鼓諒却定公萊人齊人東夷雷鼓曰繇孔子歷階而進以公退曰士

以兵之吾兩君為好裔夷之俘敢以兵亂之裔邊裔夷夷秋俘平

所殺虜也言此三者何敢以兵亂兩君之好也非齊君所以命諸侯也裔不謀

夏夷不亂華華夏中俘不干盟兵不偏好於神為不祥

欽定四庫全書

家語

於德為愆義於人為失禮君必不然齊侯心忤麾而避

之有頃齊奏宮中之樂俳優儒戲於前孔子趨進歷

階而上不盡一等曰匹夫榮侮諸侯者罪應誅請右司

馬速加刑焉於是斬侏儒手足異處齊侯懼有慙色將

盟齊人加載書曰齊師出境而不以兵車三百乘從我

者有如此盟孔子使茲無還對曰魯大夫也而不返我汶陽

之田吾以供命者亦如之齊侯將設享禮孔子謂梁丘

據曰齊魯之故吾子何不聞焉梁丘據魯之故事事既成矣

而又享之是勤執事且犧象不出門作犧牛及象於其背為飾嘉樂

不野合享而既具是棄禮若其不具是用秕稗秕穀之不成者

稗草之似穀者用秕稗君辱棄禮名惡子盍圖之夫享所以昭

德也不昭不如其已乃不果享齊侯歸責其羣臣曰魯

以君子道輔其君而子獨以夷狄道教寡人使得罪於

是乃歸所侵魯之四邑及汶陽之田四邑鄆譙龜陰也汶有汶陽之田本

魯孔子言於定公曰家不藏甲卿大夫稱家甲鉞也邑無百雉之

城高大長丈曰雉古之制也今三家過制請皆損之乃使

欽定四庫全書

家語

季氏宰仲由隳三都叔孫不得意於季氏因費宰公山

弗擾率費人以襲魯孔子以公與季孫叔孫孟孫入于

費氏之宮登武子之臺費人攻之及臺側孔子命申句

須樂頌勒士眾下伐之費人北遂隳三都之城彊公室

弱私家尊君卑臣政化大行初魯之販羊有沈猶氏者

常朝飲其羊以許市人有公慎氏者妻淫不制有慎潰

氏奢侈踰法魯之鬻六畜者飾之以儲價及孔子之為

政也則沈猶氏不敢朝飲其羊公慎氏出其妻慎潰氏

越境而徙三月則鬻牛馬者不儲價賣羔豚者不加飾
男女行者別其塗道不拾遺男尚忠信女尚貞順四方
客至於邑者不求有司有司常供其職客不求而有司存焉皆如歸焉言如所之也

始誅第二

孔子為魯司寇攝行相事有喜色仲由問曰由聞君子
禍至不懼福至不喜今夫子得位而喜何也孔子曰然
有是言也不曰樂以貴下人乎於是朝政七日而誅亂

欽定四庫全書

家語

四

政大夫少正卯戮之于兩觀之下

兩觀闕名

尸於朝三日子

貢進曰夫少正卯魯之聞人今夫子為政而始誅之或

者為失乎孔子曰居吾語汝以其故天下有大惡者五

而竊盜不與焉一曰心逆而險二曰行僻而堅三曰言

偽而辯四曰記醜而博

醜謂非義

五曰順非而澤此五者有

一於人則不免君子之誅而少正卯皆兼有之其居處

足以撮徒成黨

撮聚

其談說足以飾褒榮衆其彊禦足以

反是獨立此乃人之奸雄也不可以不除夫殷湯誅尹

誅文王誅潘正周公誅管蔡太公誅華士士之為人虛偽以聚黨也

而韓非謂華士畔而後食鑿井而飲信其如此而太公誅之豈所以謂太公者哉管仲誅付乙

子產誅鄧析史何凡此七子皆異世而同誅者以七子異世

而同惡故不可赦也詩云憂心悄悄慍于羣小小人成

羣斯足憂矣

羣微牢也

孔子為魯大司寇有父子訟者夫子同往

執之三月不別其父請止夫子赦之焉季孫聞之

不悅曰司寇欺余曩告余曰國家必先以孝余今戮一

不孝以教民孝不亦可乎而又赦何哉冉有以告孔子

子喟然歎曰嗚呼上失其道而殺其下非理也不教以

孝而聽其獄是殺不辜三軍大敗不可斬也獄犴不治

不可刑也何者上教之不行罪不在民故也夫慢令謹

誅賊也徵斂無時暴也不試責成虐也政無此三者然

後刑可即也書云義刑義殺勿庸以即汝心惟曰未有

慎事言必教而後刑也

庸用也即就也刑殺皆當以義勿用以就汝心之所安當謹自

謂未有順事且陳道德以服之以無刑殺而後為順是先教而後刑也既陳道德以先服

之而猶不可尚賢以勸之又不可即廢之又不可而後

欽定四庫全書

家語

五

以威憚之若是三年而百姓正矣其有邪民不從化者
然後待之以刑則民咸知罪矣詩云天子是毗俾民不
迷毗輔也俾使也言師尹是以威厲而不試刑錯而不
用今世則不然亂其教繁其刑使民迷惑而陷焉又從
而制之故刑彌繁而盜不勝也夫三尺之限空車不能
登者何哉峻故也百仞之山重載陟焉何哉陵遲故也
陵遲猶今世俗之陵遲久矣雖有刑法民能勿踰乎

王言解第三

欽定四庫全書

家語

六

孔子閒居曾參侍孔子曰參乎今之君子惟士與大夫
之言聞也至於君子之言者希也於乎吾以王言之其
不出戶牖而化天下曾子起下席而對曰敢問何謂王
者言孔子不應曾子曰侍夫子之閒也難對是以敢問
孔子又不應曾子肅然而懼振衣而退負席而立有頃
孔子歎息顧謂曾子曰參汝可語明王之道與曾子曰
非敢以為足也請因所聞而學焉子曰居吾語汝夫道
者所以明德也德者所以尊道也是以非德道不尊非

道德不明雖有國之良馬不以其道服乘之不可以取
道里雖有博地衆民不以其道治之不可以致霸王是
故昔者明王內修七教外行三至七教修然後可以守
三至行然後可以征明王之道其守也則必折衝千里
之外其征也則必還師衽席之上故曰內修七教而上
不勞外行三至而財不費此之謂明王之道也曾子曰
不勞不費之謂明王可得聞乎孔子曰昔者帝舜左禹
而右皋陶不下席而天下治夫如此何上之勞乎政之

欽定四庫全書

家語

六

不中君之惠也今之不行臣之罪也若乃十一而稅用
民之力歲不過三日入山澤以其時而無征關譏市鄽
皆不收賦譏呵也關服關異言及此則生財之路而
明王節之何財之費乎曾子曰敢問何謂七教孔子曰
上敬老則下益孝上尊齒則下益悌上樂施則下益寬
上親賢則下擇友上好德則下不隱上惡貪則下恥爭
上廉讓則下恥節此之謂七教七教者治民之本也政
教定則本正矣凡上者民之表也表正則何物不正是

故人君先立仁於已然後大夫忠而士信民敦而俗樸

模範男慤而女貞六者教之至也布諸天下四方而不

怨納諸尋常之室而不塞等之以禮立之以義行之以

順則民之棄惡如湯之濯雪焉曾子曰道則至矣弟子

不足以明之孔子曰參以為姑止乎又有焉昔者明王

之治民也法必裂地以封之分屬以理之然後賢民無

所隱暴民無所伏使有司日省而時考之進用賢良退

取不肖則賢者悅而不肖者懼哀鰥寡養孤獨恤貧窮

欽定四庫全書

家範

八

誘孝悌選才能此七者修則四海之內無刑民矣上之

親下也如手足之於腹心矣下之親上也如幼子之於

慈母矣上下相親如此故令則從施則行民懷其德近

者悅服遠者來附政之致也夫布指知寸布手知尺舒

肘知尋斯不遠之則也周制三百步為里千步而井三

井而埒埒三而矩此說里數不可以言井井自方里之名疑此誤五十里而都

封百里而有國乃為福積資求馬恤行者之有亡是以

禮夷諸夏雖衣冠不同言語不合莫不來賓故曰無市

而民不乏無刑而民不亂田獵軍弋軍掩網弋繳射非以盈宮

室也徵斂百姓非以盈府庫也慘怛以補不足禮節以

損有餘多信而寡貌其禮可守其言可復其迹可履如

渴而飲民之信之如寒暑之必驗故視遠若邇非道邇

也見明德也是故兵革不動而威用利不施而親萬民

懷其惠此之謂明王之守折衝千里之外者也曾子曰

敢問何謂三至孔子曰至禮不讓而天下治至賞不費

而天下士悅至樂無聲而天下民和明王篤行三至故

欽定四庫全書

家範

九

天下之君可得而知天下之士可得而臣天下之民可

得而用曾子曰敢問此義何謂孔子曰古者明王必盡

知天下良士之名既知其名又知其實又知其數及其所在焉然

後因天下之爵以尊之此之謂至禮不讓而天下治因

天下之祿以富天下之士此之謂至賞不費而天下之

士悅如此則天下之民名譽興焉此之謂至樂無聲而

天下之民和故曰所謂天下之至仁者能合天下之至

親也所謂天下之至明者能舉天下之至賢者也此三

者咸通然後可以征是故仁者莫大乎愛人智者莫大乎知賢賢政者莫大乎官能有土之君修此三者則四海之內供命而已矣夫明王之所征必道之所廢者是故誅其君而改其政弔其民而不奪其財故明王之政猶時雨之降降至則民悅矣是故行施彌博得親彌衆此之謂還師衽席之上言安安而無憂

大婚解第四

孔子侍坐於哀公公問曰敢問人道誰為大孔子愀然

欽定四庫全書

家語

十

作色而對曰君及此言也百姓之惠也固臣敢無辭而對人道政為大夫政者正也君為正則百姓從而正矣君之所為百姓之所從君不為正百姓何所從乎公曰敢問為政如之何孔子對曰夫婦別男女親君臣信三者正則庶物從之公曰寡人雖無能也願知所以行三者之道可得聞乎孔子對曰古之政愛人為大所以治愛人禮為大所以治禮敬為大敬之至矣大婚為大婚至矣冕而親迎者敬之也是故君子興敬為親捨敬則

是遺親也弗親弗敬弗尊也愛與敬其政之本與公曰

寡人願有言也然冕而親迎不已重乎孔子愀然作色

而對曰合二姓之好以繼先聖之後以為天下宗廟社

稷之主君何謂已重乎魯周公之後得郊天故言以為天下之主也公曰寡

人實固鄙陋不固安得聞此言乎寡人欲問不能為辭

請少進孔子曰天地不合萬物不生大婚萬世之嗣也

君何謂已重乎孔子遂言曰內以治宗廟之禮足以配

天地之神言宗廟天地神之神之次出以治直言之禮足以立上下之敬

夫婦正則始可以治政言禮夫身正然後可以正人者也物恥則足以振之恥事不知禮足

以振以振國恥足以興之恥國不知足以興起者也故為政先乎禮禮其

政之本與孔子遂言曰昔三代明王必敬妻子也蓋有

道焉妻也者親之主也子也者親之後也敢不敬與是

故君子無不敬敬也者敬身為大身也者親之枝也敢

不敬與不敬其身是傷其親是傷本也傷其本則枝從

之而亡三者百姓之象也言百姓之所法而行身以及身子以及

子妃以及妃君以修此三者則大化愼乎天下矣愼昔

太王之道也

太王出亦姜女入亦姜女國無解民愛其身以及人之身愛其子以及人之子故曰

太王如此國家順矣公曰敢問何謂敬身孔子對曰君

子過言則民作辭過行則民作則言不過辭動不過則

百姓恭敬以從命若是則可謂能敬其身敬其身則能

成其親矣公曰何謂成其親孔子對曰君子者乃人之

成名也百姓與名謂之君子則是成其親為君而為其

子也孔子遂言曰愛政而不能愛人則不能成其身不

能成其身則不能安其土不能安其土則不能樂天

道也

不能樂天則不能成其身公曰敢問何能成身孔子

對曰夫其行已不過乎物謂之成身不過乎合天道也

公曰君子何貴乎天道也孔子曰貴其不已也如日月

東西相從而不已也是天道也不閉而能久

不閉常通而能久言

無極是天道也無為而物成是天道也已成而明之是

天道也公曰寡人且愚冥

言愚也幸煩子之於心

欲煩孔子蹴然避席而對曰仁人不過乎物孝子

不過乎親是故仁人之事親也如事天事天如事親此

謂孝子成身公曰寡人既聞如此言無如後罪何孔子

對曰君子及此言是臣之福也

儒行解第五

孔子在衛冉求言於季孫曰國有聖人而不能用欲以

求治是猶却步而欲求及前人不可得已今孔子在衛

衛將用之已有才而以資鄰國難以言智也請以重幣

迎之季孫以告哀公公從之孔子既至舍哀公館焉

孔就舍公自阼階孔子賓階升堂立侍公曰夫子之服其儒

服與孔子對曰丘少居魯衣逢掖之衣

深衣之長居宋

冠章甫之冠丘聞之君子之學也博其服以鄉

隨其丘

未知其為儒服也公曰敢問儒行孔子曰畧言之則不

能終其物悉數之則留更僕未可以對

留久也僕太僕君燕朝則正位

掌僕相更衣之為久

將僕使之相代者也

哀公命席孔子侍坐皆儒有席上之

珍以待聘

席上之珍能數陳先夙夜強學以待問懷忠

信以待舉力行以待取

德以行人義道其自立有如此者

儒有衣冠中動作順其大讓如慢

慢簡小讓如偽大則

如威小則如媿難進而易退粥粥若無能也其容貌有如

此者儒有居處齊難齊莊可畏難也其起坐恭敬言必誠信行必

忠正道塗不爭險易之利冬夏不爭陰陽之和愛其死以

有待也養其身以有為也其備豫有如此者儒有不寶金

玉而忠信以為寶不祈土地而仁義以為土地不求多積

多文以為富難得而易祿也易祿而難畜也非時不見不

亦難得乎非義不合不亦難畜乎先勞而後祿不亦易祿

乎其近人情有如此者儒有委之以財貨而不貪淹之以

欽定四庫全書 卷一 家語 十四

樂好而不淫劫之以衆而不懼沮之以兵而不懼見利不

虧其義見死不更其守往者不悔來者不豫過言不再不

過流言不極流言相毀不窮極也不斷其威常嚴莊也不習其謀不豫習其謀慮

其特立有如此者儒有可親而不可劫可近而不可迫可

殺而不可辱其居處不過其飲食不溷其過失可微辯而

不可面數也其剛毅有如此者儒有忠信以為甲冑禮義

以為干櫓干櫓也櫓大戟戴仁而行抱德而處雖有暴政不更其

所其自立有如此者儒有一畝之宮環堵之室方大曰堵一堵言其

也小者單門圭窬單門荆竹織門也圭窬穿牆為之如圭也蓬戶甕牖編蓬為戶破甕為牖

易衣而出更相易衣而後可出并日而食并一日之糧以為一食也上谷之不

敢以疑疑君用之不致疑或事君也上不答之不敢以諂其仕有如此者

儒有今人以居古人以音音同今世行之後世以為楷法也若

不逢世上所不受下所不推諂諂之民有比黨而危之身

可危也其志不可奪也雖危起居猶竟信其志乃不忘百

姓之病也起居猶動靜也其憂思有如此者儒有博學而不窮為

行而不倦幽居而不淫上通而不困禮必以和優游以法

欽定四庫全書 卷一 家語 十五

慕賢而容衆毀方而瓦合去已之大圭角下與衆人小合其寬裕有如此

者儒有內稱不避親外舉不避怨程功積事不求厚祿程

也言功効而不求厚祿也推賢達能不望其報君得其志民賴其德苟

利國家不求富貴其舉賢援能有如此者儒有澡身浴德

常自潔淨其身沐浴於德行也陳言而伏陳言於君不望其報靜言而正之而上下

不知也默而翹之又急為也言事君清靜因事而止之則君不知而翹發之不

為也急也不臨深而為高不加少而為多言不因勢位自矜莊世治不輕

世亂不沮不自輕不自沮同已不與異已不非其特立獨行有如

對曰丘也鄙人不足以知大禮也公曰吾子言焉孔子

子之極言禮也可得而聞乎孔子言我欲觀夏道是故

之祀夏后封而不足徵也微吾得夏時焉於四時之正

心我欲觀殷道是故之宋殷後而不足徵也吾得乾坤

焉乾天坤地得天地陰陽之書也乾坤之義夏時之等吾以此觀之夫

禮初也始於飲食太古之時燔黍擘豚古未有金飢燔

石之上汗尊杯飲鑿池為樽以手飲之猶可以致敬鬼神神饗德不求備

物及其死也升屋而號告曰高某復然後飯腥苴熟死

也含以珠貝將葬包苴以遺奠以送之形體則降菟氣則上是謂天望而地

藏也菟氣升而在地故生者南嚮死者北首皆從其初

欽定四庫全書

也昔之王者未有宮室冬則居營窟夏則居橧巢掘地而居

謂之營窟有柴謂之營窟有柴未有火化食草木之實鳥獸之肉飲其

血茹其毛未有絲麻衣其羽皮後聖有作然後修火之

利範金治金為器合土合和以以為宮室戶牖以炮以

燔毛曰炮以烹以炙炮者之曰烹以為醴酪醴醴酒

其絲麻以為布帛以養生送死以事鬼神故玄酒在室

玄酒水也言醴醖在戶醴醖齊也五齊二梁醖在堂深

澄酒在下澄清酒也陳其犧牲備具鼎俎列其琴瑟管

磬鐘鼓以降上神上神與其先祖以正君臣以篤父子

以睦兄弟以齊上下夫婦有所是謂承天之祐作其祝

號犧牲玉帛祝辭玄酒以祭薦其血毛腥其俎熟其穀

言雖有所熟猶有所越席以坐翦蒲疏布以幕中也

故用衣其浣帛練桑以醴醖以獻薦其燔炙君與夫人

交獻以嘉魂魄嘉善然後退而合烹合其烹熟之體其

天豕牛羊體解其牲實其簋簠受黍稷籩豆銅羹運木

曰豆銅所祝以孝告祝祝通孝子嘏以慈告嘏傳先祖是

欽定四庫全書

為大祥善此禮之大成也

五儀解第七

哀公問於孔子曰寡人欲論魯國之士與之為治敢問

如何取之孔子對曰生今之世志古之道居今之俗服

古之服舍此而為非者不亦鮮乎曰然則章甫絢履履

章甫冠也絢履紳帶搢笏者皆賢人也紳帶搢笏者皆賢人也紳大帶搢搢也

對孔子曰不必然也丘之所言非此之謂也夫端衣玄

裳冕而乘軒者則志不在於食端衣玄裳齋服也軒軒車軒車也

衰管菲杖而歎粥者則志不在於酒肉生今之世志古

之道居今之俗服古之服謂此類也公曰善哉盡此而

已乎孔子曰人有五儀有庸人有士人有君子有賢人

有聖人審此五者則治道畢矣公曰敢問何如斯可謂

之庸人孔子曰所謂庸人者心不存慎終之規口不吐

訓格之言格不擇賢以託其身不力行以自定見小閣

大而不知所務從物如流不知其所執此則庸人也公

曰何謂士人孔子曰所謂士人者心有所定計有所守

雖不能盡道術之本必有率也率猶行也雖不能備百善之

美必有處也是故知不務多必審其所知言不務多必

審其所謂所謂務者謂言之要也行不務多必審其所由智既知之

言既道之得其要也行既由之則若性命之於形骸不可易

也富貴不足以益貧賤不足以損此則士人也公曰何

謂君子孔子曰所謂君子者言必忠信而心不怨怨仁

義在身而色無伐無伐善之也思慮通明而辭不專篤行信

道自強不息油然若將可越而終不可及者君子也油然

欽定四庫全書

卷一

子

不進之貌也公曰何謂賢人孔子曰所謂賢人者德不踰閑

也越過也閑行中規繩言足以法於天下而不傷於身言滿天下

足化於百姓而不傷於本本亦身富則天下無宛財宛積也

或作此故或誤不著羊矣施則天下不病貧此賢者也公曰何謂聖人

孔子曰所謂聖者德合於天地變通無方窮萬事之終始

協庶品之自然敷其大道而遂成情性明並日月化行若

神下民不知其德觀者不識其鄰此謂聖人也鄰以喻

曰善哉非子之賢則寡人不得聞此言也雖然寡人生於

深宮之內長於婦人之手未嘗知哀未嘗知憂未嘗知勞

未嘗知懼未嘗知危恐不足以行五儀之教若何孔子對

曰如君之言已知之矣則丘亦無所聞焉君如此言已為

言謙以誘公曰非吾子寡人無以啟其心吾子言也孔子

曰君子入廟如右登自阼階仰視榑桷俯察几筵其器皆

存而不覩其人君以此思哀則哀可知矣昧爽夙興正

其衣冠爽明也昧明始明也平旦視朝慮其危難一物失理

亂亡之端君以此思憂則憂可知矣日出聽政至于中

欽定四庫全書

卷一

子